



SLUŽBENI GLASNIK OPĆINE KALESIJA

Godina: LI

Ponedjeljak, 09.05.2016.godine
K A L E S I J A

Broj: 5

OPĆINSKO VIJEĆE

49

Na osnovu člana 13. stav 2. alineja 12. Zakona o principima lokalne samouprave („Sl. novine FBiH“, broj 49/06 i 51/09), člana 42. stav 1. alineja 15. Statuta općine Kalesija – Prečišćen tekst („Sl. glasnik općine Kalesija“, broj 10/07, 7/08, 10/11, 3/12 i 6/13) i člana 8. stav 1. Odluke o općinskim priznanjima („Sl. glasnik općine Kalesija“, broj 1/11), Općinsko vijeće Kalesija na prijedlog Komisije za utvrđivanje i obilježavanje datuma i događaja značajnih za općinu Kalesija, dodjelu općinskih priznanja, imena naselja i dijelova naselja na sjednici od 28.04.2016. godine, d o n o s i

O D L U K U

o dodjeli Općinskih priznanja

Član 1.

U znak priznanja za naročite zasluge građanima, organizacijama, institucijama i drugim fizičkim i pravnim licima koji su se istakli svojim radom, angažiranjem i rezultatima rada, jačanju i unaprjeđenju razvoja općine Kalesija, u povodu 23. maja – "Dana općine Kalesija" dodjeljuju se općinska priznanja kako slijedi:

"Medalja sa zlatnim grbom"

1. Hadžić (Saliha) Anel iz Petrovica Gornjih

"Plaketa sa zlatnim grbom općine Kalesija"

1. ZUX d.o.o. Kalesija
2. PRIMA SOFA d.o.o. Kalesija
3. DANFAS d.o.o. Kalesija

Član 2.

Uručivanje općinskih priznanja će se izvršiti 23. maja 2016. godine prilikom svečanog obilježavanja Dana općine Kalesija.

Član 3.

Načelnik općine Kalesija će uručiti općinsko priznanje "Medalja sa zlatnim grbom", a predsjedavajući Općinskog vijeća Kalesija će uručiti općinska priznanja "Plaketa sa zlatnim grbom općine Kalesija".

Član 4.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1556
Datum, 29.04.2016. godine

PREDSEDAVAJUĆI
OPĆINSKOG VIJEĆA

Dr. sci. Muhamed Alić s.r.

50

Na osnovu člana 10. stav 3. Zakona o porezu na promet nepokretnosti i prava („Sl. novine TK“, broj 11/01 i 13/01 i 13/03), člana 13. Zakona o principima lokalne samouprave („Sl. novine FBiH“ br. 49/06 i 51/09) i člana 42. Statuta općine Kalesija – Prečišćen tekst („Sl. glasnik općine Kalesija“, broj 10/07, 7/08, 10/11, 3/12 i 6/13), Općinsko vijeće na sjednici od 28.04.2016. godine, d o n o s i

O D L U K U

o imenovanju Komisije za utvrđivanje vrijednosti nepokretnosti i prava u prometu

Član 1.

Ovom Odlukom imenuje se Komisija za utvrđivanje vrijednosti nepokretnosti i prava u prometu (u daljem tekstu: "Komisija"), u sastavu:

1. Suljkanović (Hase) Mehmed iz Rainaca Donjih,
2. Džafić (Safeta) Sanel iz Rainaca Gornjih,
3. Suljkanović (Avde) Mehmed iz Rainaca Donjih,
4. Mešanović (Rujejda) Mujo iz Vukovija Gornjih,
5. Mujkić (Avde) Admir iz Kalesije Gornje,
6. Džafić (Smajla) Damir iz Rainaca Gornjih,
7. Križevac (Huse) Fikret iz Kalesije,
8. Selimović (Veiza) Hasan iz Seljublja.

Član 2.

Dužnost predsjednika Komisije iz člana 1. ove Odluke obavljaće Križevac (Huse) Fikret.

Član 3.

Zadatak Komisije je utvrđivanje vrijednosti nepokretnosti i prava u prometu, tržišne vrijednosti nekretnina u državnoj svojini u postupku dodjele prava korišćenja radi građenja nekretnina fizičkim i pravnim licima, postupku eksproprijacija i preuzimanja građevinskog zemljišta, utvrđivanje tržišne vrijednosti nekretnina u postupku utvrđivanja prava vlasništva u skladu sa Zakonom o građevinskom zemljištu, kao i u drugim slučajevima kada je potrebno utvrditi tržišnu vrijednost prava i nekretnina koje su u vlasništvu općine Kalesija.

Član 4.

Komisija se imenuje na period od dvije godine.

Član 5.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-05-2-1557
Datum, 29.04.2016.godine

PREDSJEDAVAJUĆI
OPĆINSKOG VIJEĆA
Dr. sci. Muhamed Alić s.r.

51

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06 i 51/09) i člana 42. Statuta općine Kalesija – Prečišćeni tekst („Sl. glasnik općine Kalesija“, br. 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana 28.04.2016.godine, d o n o s i

O D L U K U

o kriterijima za podsticaj u poljoprivrednoj proizvodnji za 2016 godinu

Član 1.

Ovom Odlukom utvrđuju se kriteriji za raspodjelu novčanih sredstava u iznosu od 150.000 KM namijenjenih za podsticaj u poljoprivrednoj proizvodnji.

Član 2.

Iznos od 93.000 KM dodijelit će se fizičkim i pravnim licima-registrovanim proizvođačima mlijeka koji proizvode mlijeko na području općine Kalesija, za svaku muznu kravu u liniji otkupa

mlijeka koja posjeduju zdravstveni karton, pasoše životinja i ugovor o isporuci mlijeka, a na osnovu podataka otkuplivača-prerađivača iz 2015. godine koji su dostavljeni nadležnoj općinskoj Službi za ostvarivanje novčane podrške za grla koja su u liniji otkupa u 2016. god.

Iznos podsticaja iz stava 1. ove Odluke, nemože biti veći od 5 000,00KM, bez obzira na broj grla sa kojima raspolaže poljoprivredni proizvođač.

Iznos od 37.000 KM dodijelit će se na ime naknade eventualnih uginuća stoke.

Iznos od 20.000 KM dodijelit će se poljoprivrednim proizvođačima koji imaju zasnovanu proizvodnju krastavca kornišona u 2016. godini na površini od 0,05 Ha i više a na osnovu podataka poljoprivrednih proizvođača koji su aplicirali kod nadležne općinske Službe za novčanu podršku –proizvodnja krastavca kornišona u 2016. godini.

Član 3.

Pored uslova predviđenih u članu 2. stav 1. i 4. ove Odluke, za one korisnike koji imaju zaključen Ugovor o zakupu poljoprivrednog zemljišta, uslov je i izmirene obaveze po osnovu zakupa poljoprivrednog zemljišta u vlasništvu države u općini Kalesija, zaključno sa 31.12.2015.godine.

Član 4.

Podsticaji iz člana 2.ove Odluke korisnicima se isplaćuje, na transakcijske račune, a ukupan iznos bit će isplaćen, najkasnije do kraja tekuće 2016.godine.

Član 5.

Za realizaciju ove Odluke zadužuje se Služba za poljoprivredu, budžet i inspeksijske poslove, a informacija o realizaciji sredstava iz člana 2. ove Odluke će dostaviti Općinskom vijeću na razmatranje i usvajanje.

Član 6.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1558
Datum: 29.04.2016.godine

PREDSJEDAVAJUĆI
OPĆINSKOG VIJEĆA
Dr. sci. Muhamed Alić s.r.

52

Na osnovu člana 13. Zakona o principima lokalne samouprave ("Sl. novine FBiH" br. 49/06 i 6/09) i člana 42. Statuta općine Kalesija ("Sl. glasnik općine Kalesija – Prečišćeni tekst ("Sl. glasnik općine Kalesija" br. 10/07, 7/08, 10/11, 2/12 i 6/13), Općinsko vijeće Kalesija na sjednici održanoj dana 28.04.2016. godine, d o n o s i

ODLUKA

o uslovima, kriterijima i postupku dodjele u zakup poslovnih prostora u objektu „Centar za podršku poduzetništvu sa inkubacionim kapacitetima“ Kalesija

Član 1.

Ovom odlukom utvrđuju se kriteriji i postupak za dodjelu u zakup poslovnog prostora u „**Centru za podršku poduzetništvu sa inkubacionim kapacitetima“ Kalesija (u daljem tekstu: Centar)**, kao što su kriteriji za ulazak u prostor, korištenje prostora, vrsta i način korištenja usluga koje pruža Centar, te visina i način plaćanja naknade za zakup prostorija.

Član 2.

Osnovni cilj davanja na korištenje poslovnih prostora **Centra** je osnivanje i razvoj privrednih subjekata, koji odgovaraju sljedećim kriterijima:

- da djeluju na području visoke tehnologije, elektronike, informatike, energetike i mašinstva i slično,
- da se bave uslužnom djelatnošću (npr. škola stranih jezika, knjigovodstveni servisi, auto škola i slično),
- da utiču na razvoj poduzetničke i inovativne svijesti u Kalesiji i regiji,
- da imaju potencijal rasta i razvoja.

Član 3.

Poduzetnici i privredni subjekti koji ne mogu dobiti u zakup prostor u **Centru** su:

- udruženja i fondacije,
- privredni subjekti čija tehnologija zagađuje okoliš,
- privredni subjekti koji svojom djelatnošću remete poslovanje ostalih privrednih subjekata
- privredni subjekti koji ne zadovoljavaju kriterije iz člana 2. ove odluke.

U slučajevima kada poslovni prostori u **Centru** nisu u potpunosti popunjeni, isti se mogu iznajmiti i drugim privrednim subjektima čija djelatnost ne ometa poslovanje ostalih privrednih subjekata, a po komercijalnim uslovima.

Član 4.

Postupak kandidiranja za ulazak u **Centar**:

1. Prijava na Javni poziv Općine Kalesija za iskazivanje interesa za korištenje poslovnih prostorija Centra, prema kriterijima koje će utvrditi rukovodilac centra.
2. U prijavnom obrascu kandidati trebaju predstaviti sebe i svoje poduzetničke planove, te procijeniti koliko im poslovnog prostora treba. Sve to treba opisati što detaljnije i poslati na e-mail inkubator@kalesija.ba

Član 5.

Općinski načelnik formira komisiju za prijem prijave poduzetnika u **Centar** koja analizira prijave kandidata i ako zadovoljava osnovne kriterije poziva ga na razgovor.

Nakon detaljnog razgovora s kandidatom Komisija donosi odluku o tome u kojoj mjeri kandidat zadovoljava kriterije za ulazak u **Centar**.

Član 6.

Kada u **Centru** ima slobodnog poslovnog prostora, komisija predlaže kandidata (onaj koji je najduže na Listi čekanja) za ulazak u **Centar**.

Konačnu odluku o ulasku kandidata u **Centar** na osnovu prijedloga Komisije donosi Općinski načelnik.

Sa odabranim kandidatom zaključuje se Ugovor o korištenju poslovnih prostorija Centra.

Član 7.

Kandidati koji zadovoljavaju kriterije, a u **Centru** nema slobodnog mjesta, dolaze na listu čekanja kao vanjski članovi.

Dok je na listi čekanja, kandidat može kao vanjski član, koristiti salu za razgovore i prezentacije bez plaćanja naknade.

Član 8.

Zakupnina opremljenih kancelarija, uključujući zajedničke prostorije, trenutno se računa na mjesečnoj osnovi od 10,00 KM/m² (PDV nije uključen). Ovo uključuje standardni kancelarijski namještaj, računar, video zaštitu, čišćenje i internet konekciju, struju.

Osim zakupnine, faktura će sadržavati PDV (u skladu sa stopom utvrđenom domaćim zakonom), a koju će platiti Zakupac.

Bilo koje promjene u porezu će se dodati ili oduzeti od ukupne cijene zakupa.

Član 9.

Najduži period zakupa poslovnog prostora pod uslovima iz člana 2, može biti do godinu dana.

Ovaj rok se može produžiti pod istim uslovima ako Zakupac uspješno obavlja i razvija djelatnost, a ukoliko nema drugih kandidata – poduzetnika na listi čekanja.

Član 10.

Zakupnina se plaća počev od dana potpisivanja ugovora, a po dobivanju mjesečnog računa u roku od 7 (sedam) dana.

Član 11.

Za zakašnjelo plaćanje Zakupodavac ima pravo tražiti zakonsku zateznu kamatu, po stopi koja važi u Bosni i Hercegovini.

Član 12.

Zakupac je odgovoran za unutarnje održavanje prostorija, unutar zidova koji okružuju zakupljeni prostor, zajedno sa vratima, prozorima i namještajem. Zakupac je obavezan čuvati prostorije u dobrom stanju, uključujući održavanje i radnje, a ukoliko bude potrebno o svom trošku izvršiti i popravke poslovnih prostorija.

Za bilo kakvu popravku i preinaku poslovnih prostorija Zakupac mora zatražiti pismeno odobrenje Zakupodavca.

Generalno održavanje sanitarnih čvorova i ostalih zajedničkih prostorija je obaveza Zakupodavca.

Ukoliko Zakupac ne snosi svoju odgovornost i ne izvršava obaveze održavanja u skladu sa odredbama ovog člana, Zakupodavac je ovlašten da poduzme neophodne mjere na račun Zakupca.

Zakupac nije ovlašten da ima sniženu zakupninu niti bilo koju drugu kompenzaciju ukoliko Zakupodavac izvršava uobičajeno održavanje i popravku u zgradi i/ili okolnom prostoru, ili bilo koje druge radnje koje prevazilaze obične radnje i razvoj Centra, uključujući modifikacije, prilagođavanje pristupnog puta i uređenje šire okoline oko prostora.

Zakupodavac je obavezan da informiše Zakupca o dogovorenim počecima radova i time je obavezan uzeti u obzir željeno vrijeme za izvršenje radova izraženo od strane Zakupca.

Zakupac se obavezuje da će tretirati vlasništvo sa potpunom pažnjom i da će biti odgovoran za svu štetu koju nanese on ili osobe koje sa njim rade, ili druge osobe kojima je on odobrio pristup objektu.

Zakupac se obavezuje da informiše Zakupodavca o bilo kojoj šteti na vlasništvu i da bez odlaganja informiše Zakupodavca o neophodnosti izvođenja mjera održavanja u onim dijelovima Centra koji čine prostor Zakupca.

Član 13.

Podzakup bilo kojeg dijela prostorija nije dozvoljen.

Bilo koje pripisivanje vlasničkih interesa, uključujući udjele, u privrednom subjektu imenovanom kao Zakupac, bit će izvješteno

Zakupodavcu pismenim putem (promjena vlasništva na privrednom subjektu).

Član 14.

Zakupac ne može postati vlasnik niti suvlasnik poslovnog prostora, bez obzira na izvršena ulaganja u sanaciju ili rekonstrukciju istog.

Član 15.

Svake godine, Zakupac će slati Zakupodavcu kopiju godišnjih računa i izvještaja, M3 i M4 obrazce, osim ako takvi nisu ni rađeni zbog prestanka postojanja privrednog subjekta.

Član 16.

Obje strane mogu sporazumno raskinuti Ugovor o zakupu poslovnog prostora u bilo kojem trenutku.

Otkazni rok za raskid ugovora, najavljen od bilo koje ugovorne strane mora biti najmanje mjesec dana.

Član 17.

Zajedno sa uslovima predviđenim važećim zakonima u BiH, zakup se može prekinuti bez pismene saglasnosti od strane Zakupca, u slijedećim slučajevima:

- a) ako zakupnina i/ili druge stečene obaveze nisu isplaćene i/ili ako je bilo koji drugi bitni uslov ugovora o zakupu povrijeđen od strane Zakupca.
- b) Zakupac je legitimisan kao nesolventan.
- c) Ukoliko se Zakupac, nakon prijema trećeg upozorenja koje se odnosi na njegovo nedovoljno obraćanje pažnje prema ostalim zakupcima u **Centru**, ne promijeni i/ili u slučaju ozbiljnih povreda internih pravila Centra.

Član 18.

Pored kancelarijskih prostora, **Centar** posjeduje i salu za prezentacije i treninge. Ovaj prostor mogu koristiti korisnici **Centra**, ali i svi oni koji žele da svoje goste dočekaju u ugodnim i dobro opremljenim prostorijama, o čemu odlučuje rukovodilac Centra.

Prezentacijska sala površine je oko 55 m² sa 42 sjedeća mjesta. Sala se može koristiti kao konferencijska sala ili kao učionica jer postoji mogućnost pomjeranja namještaja. Sala je opremljena savremenom opremom sa internet konekcijom, laptopom, mogućnošću održavanja prezentacija. Pored toga korisnici mogu koristiti i usluge štampanja i kopiranja na fer osnovi.

Cijena zakupa sale za prezentaciju uključuje:

- korištenje projektora,
- korištenje laptopa,
- korištenje interneta,
- mogućnost štampanja i kopiranja.

Korištenje sale za Zakupce Centra je besplatno. Cijena korištenja sale za vanjske korisnike Centra je 20,00 KM/h.

Član 19.

Sve pojedinosti koje se odnose na korištenje poslovnog prostora, regulisat će se Ugovorom između **Centra** i Korisnika prostora, a koji u ime **Centra** potpisuje Općinski načelnik, ili lice koga on ovlasti.

Član 20.

Ova odluka stupa na snagu danom objave u "Službenom glasniku općine Kalesija".

Bosna i Hercegovina
 Federacija Bosne i Hercegovine
 Tuzlanski kanton
 OPĆINA KALESIJA
 OPĆINSKO VIJEĆE
 Broj: 01-05-2-1559
 Datum: 29.04.2016. godine

PREDSJEDAVAJUĆI
 OPĆINSKOG VIJEĆA
 Dr. sci. Muhamed Alić s.r.

53

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06 i 51/09), člana 42. i člana 121. Statuta općine Kalesija- prečišćeni tekst („Službeni glasnik općine Kalesija“, broj 10/07, 7/08, 10/11, 3/12 i 6/13) Općinsko vijeće Kalesija, na sjednici održanoj dana 28.04.2016. godine, d o n o s i

ODLUKU

o izmjenama Odluke o izboru članova vijeća Mjesnih zajednica na području općine Kalesija

Član 1.

U Odluci o izboru članova vijeća Mjesnih zajednica na području općine Kalesija ("Službeni glasnik općine Kalesija", broj 8/13, 6/14, 8/14, 9/14, 12/14, 5/15 i 9/15) član 2. mijenja se i glasi:

- MZ Sarači – Lipovice, u koloni ime i prezime kandidata treći red "Imamović (Mehmeda) Abdulah" mijenja se i glasi "**Imamović (Hasana) Salkan**",
- MZ Vukovije Donje, u koloni ime i prezime kandidata sedmi red "Imamović (Šefke) Šefik" mijenja se i glasi "**Mustafić (Rašida) Hasan**", u koloni prijedlog političke partije "Općinski načelnik", mijenja se i glasi "**SEP u BIH**".
- MZ Rainci Gornji, u koloni ime i prezime kandidata drugi red "Mešić (Hajrudina) Maida" mijenja se i glasi "**Mešić (Hasana) Abdulah**".

Član 2.

Ova odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
 Federacija Bosne i Hercegovine
 TUZLANSKI KANTON
 OPĆINA KALESIJA
 OPĆINSKO VIJEĆE
 Broj: 01-05-2-1560
 Datum, 29.04.2016. godine

PREDSJEDAVAJUĆI
 OPĆINSKOG VIJEĆA
 Dr. sci. Muhamed Alić s.r.

54

Na osnovu člana 13. Zakona o principima lokalne samouprave u FBiH („Sl. novine FBiH", broj 49/06 i 51/09) i člana 42. Statuta općine Kalesija- Prečišćeni tekst ("Sl. glasnik općine Kalesija", broj 10/07, 7/08, 10/11, 3/12 i 6/13), člana 5. Programa asfaltiranja puteva na području općine Kalesija u periodu 2013-2016 godina ("Sl. glasnik općine Kalesija", broj 1/13), Općinsko vijeće Kalesija na sjednici održanoj dana 28.04.2016. godine, d o n o s i

P L A N

izgradnje i rekonstrukcije lokalnih i nekategorisanih puteva na području općine Kalesija u 2016. godini

I

Plan Izgradnje i rekonstrukcije lokalnih i nekategorisanih puteva na području općine Kalesija u 2016. godini, sačinjen je na osnovu pristiglih zahtjeva od strane Mjesnih zajednica, u skladu sa Programom asfaltiranja puteva na području općine Kalesija u periodu 2013-2016 godina ("Sl. glasnik općine Kalesija", br. 1/13) i Kriterija za izradu Plana izgradnje i asfaltiranja lokalnih i nekategorisanih puteva na području općine Kalesija ("Sl. glasnik općine Kalesija", br. 1/13)

II

Nakon provedenog bodovanja putnih pravaca na osnovu Kriterija, utvrđuje se lista prioriteta asfaltiranja lokalnih i nekategorisanih puteva prikazana u slijedećoj tabeli:

R/ B	Putni pravac	Mjesna zajednica	Broj bodova
1.	Put Sarači-Lipovice, kroz Sarače	Sarači - Lipovice	83,0
2.	Put u naselju Dolina	Tojšići	60,0
3.	Put prema Grabovcu i Kundakovićima	Kikači	43,0
4.	Put Makalići-Dragutinovići	Gojčin	28,0
5.	Plato ispred ambulante i Doma kulture Vukovije Gornje	Vukovije Gornje	16,0

III

Općina Kalesija je Budžetom općine Kalesija za 2016. godinu obezbijedila finansijska sredstva utvrđena za ove namjene.

IV

Mjesne zajednice na čijem se području izvode radovi, se obavezuju da preko građevinskih odbora izvrše pripremu putnih pravaca u pogledu izgradnje propisnih kanala za odvodnju površinskih voda, potrebnih propusta, kao i da sa vlasnicima objekata i parcela pored puta gdje se izvode radovi urede eventualno sporna pitanja koja se odnose na pristup tim objektima i parcelama.

V

Za realizaciju ovog Plana zadužuje se Općinski Načelnik koji će u skladu sa Zakonom o javnim nabavkama Bosne i Hercegovine raspisati javni poziv za prikupljanje ponuda i izvršiti izbor najpovoljnije ponude za izvođenje radova na izgradnji i asfaltiranju puteva za koje su od strane građana prikupljena finansijska sredstva u skladu sa Programom asfaltiranja puteva na području općine Kalesija u periodu 2013-2016 godina ("Sl. glasnik općine Kalesija", br. 1/13), te u ime Općine Kalesija sa najpovoljnijim ponuđačem zaključiti ugovor o izvođenju radova.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Dr. sci. Muhamed Alić s.r.

Broj: 01-05-1759
Datum: 29.04.2016. godine

OPĆINSKI NAČELNIK

55

Na osnovu člana 15. Zakona o principima lokalne samouprave ("Sl. novine FBiH" br. 49/06) i člana 56. Statuta općine Kalesija – Prečišćeni tekst ("Sl. glasnik općine Kalesija" br. 10/07, 7/08, 10/11, 3/12 i 6/13), Općinski načelnik Kalesija, dana 06.05.2016. godine, d o n o s i

R J E Š E N J E

o imenovanju Organizacionog odbora za obilježavanje datuma i događaja značajnih za obilježavanje na području općine Kalesija

Član 1.

U Organizacioni odbor za obilježavanje datuma i događaja značajnih za obilježavanje na području općine Kalesija, imenuju se:

1. Hazim Jusufović – predsjednik,
2. Mujo Tosunbegović – potpredsjednik,
3. Vehid Hendić – član,

4. Muhamed Avdić – član,
5. Mufid Klinčević – član,
6. Fahrudin Sinanović – član,
7. Fahrudin Hamzić – član,
8. Suhdin Đedović – član i
9. Ševal Karahodžić – član.

Član 2.

Zadatak Odbora je da:

- u skladu sa Odlukom o utvrđivanju datuma i događaja značajnih za obilježavanje na području općine Kalesija, sačini Programe obilježavanja tih datuma i događaja, kao i državnih praznika, čije se obilježavanje organizuje na lokalnom nivou,
- izvrši sve organizacione i tehničke pripreme za obilježavanje tih datuma i događaja,
- aktivno sudjeluje na provođenju tih programa.

Član 3.

Odbor za svoj rad odgovara i izvještaj podnosi Općinskom načelniku, po realizaciji svakog programa pojedinačno.

Član 4.

Ovo Rješenje stupa na snagu danom donošenja i bit će objavljeno u «Službenom glasniku općine Kalesija».

Član 5.

Stupanjem na snagu ovog Rješenja, prestaje da važi Rješenje o imenovanju Organizacionog odbora za obilježavanje datuma i događaja značajnih za obilježavanje na području općine Kalesija ("Sl. glasnik općine Kalesija" br. 4/15).

Bosna i Hercegovina
Federacija Bosne i Hercegovine
OPĆINSKI NAČELNIK
Tuzlanski kanton
OPĆINA KALESIJA
OPĆINSKI NAČELNIK

PO OVLAŠTENJU
OPĆINSKOG NAČELNIKA

Ismet Mešić dipl.ing.maš. s.r.

Broj: 02-05-2-1650/16
Datum: 06.05.2016. godine

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
49. Odluka o dodjeli Općinskih priznanja	106	55. Rješenje o imenovanju Organizacionog odbora za obilježavanje datuma i događaja značajnih za obilježavanje na području općine Kalesija	111
50. Odluka o imenovanju Komisije za utvrđivanje vrijednosti nepokretnosti i prava u prometu	106		
51. Odluka o kriterijima za podsticaj u poljoprivrednoj proizvodnji za 2016. god....	107		
52. Odluka o uslovima, kriterijima i postupku dodjele u zakup poslovnih prostora u objektu "Centra za podršku poduzetništvu sa inkubacionim kapacitetima", Kalesija	108		
53. Odluka o izmjenama Odluke o izboru članova vijeća Mjesnih zajednica na području općine Kalesija	110		
54. Plan izgradnje i rekonstrukcije lokalnih i nekategorisanih puteva na području općine Kalesija u 2016. godini	110		